

ხელშეკრულება №2021-11/061
სახელმწიფო შესყიდვის შესახებ

2021 წლის 16 ნოემბერი

ქ. თბილისი

ერთის მხრივ, სსიპ – ილიას სახელმწიფო უნივერსიტეტი, წარმოდგენილი ადმინისტრაციის ხელმძღვანელის მოვალეობის შემსრულებელის **ეკატერინე გაფრინდაშვილის** (2021 წლის 13 სექტემბრის 1680-02 მინდობილობის ფარგლებში) სახით, (შემდგომში წოდებული „შემსყიდველად“)

მისამართი: ქ. თბილისი, ქაქუცა ჩოლოყაშვილის გამზ. №3/5

საიდენტიფიკაციო კოდი: 204861970;

საბანკო რეკვიზიტები: სახელმწიფო ხაზინა, ხაზინის ერთიანი ანგარიში, ბანკის კოდი: TRESGE22,

მეორეს მხრივ, **შპს "ჯეო ტეჩი"**, წარმოდგენილი დირექტორის **შალვა ასლამაზაშვილის** სახით, (შემდგომში წოდებული „მიმწოდებლად“)

მისამართი: ქ. თბილისი, აღმაშენებლის ხეივანი №95

საიდენტიფიკაციო კოდი: **425 359 989**;

საბანკო რეკვიზიტები: სს „პროგრესიტი ბანკი“, ბანკის კოდი: MIBGGE22, ა/ა: GE16 PC01 3360 0100 0620 21

იმის გათვალისწინებით, რომ სსიპ – ილიას სახელმწიფო უნივერსიტეტმა **კომპიუტერული მოწყობილობებისა და აქსესუარების** სახელმწიფო შესყიდვის მიზნით გამოაცხადა **SPA210002828** ელექტრონული ტენდერი, სადაც გამარჯვებულად მიჩნეული იქნა **შპს "ჯეო ტეჩი"**, „სახელმწიფო შესყიდვების შესახებ“ საქართველოს კანონის გათვალისწინებით, „შოთა რუსთაველის საქართველოს ეროვნული სამეცნიერო ფონდის მიერ დაფინანსებული პროექტის №FR18_564-ის, 2021 წლის სახელმწიფო ასიგნებებიდან მიღებული შემოსავლების და უნივერსიტეტის 2021 წლის ეკონომიკური საქმიანობიდან მიღებული შემოსავლების ფარგლებში ვდებთ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3. „დღე“, „კვირა“, „თვე“ – კალენდარული დღე, კვირა, თვე.

1.4. „შემსყიდველი“ – ორგანიზაცია, რომელიც ახორციელებს შესყიდვას.

1.5. „მიმწოდებელი“ – პირი, რომელიც ახორციელებს ხელშეკრულებით გათვალისწინებული საქონლის მიწოდებას.

1.6. „შესყიდვის ობიექტი“ – ხელშეკრულების მე-2 მუხლით გათვალისწინებული ხელშეკრულების საგანი.

1.7. „სატენდერო წინადადება“ – მიმწოდებლის სსიპ – ილიას სახელმწიფო უნივერსიტეტის მიერ **კომპიუტერული მოწყობილობებისა და აქსესუარების** სახელმწიფო შესყიდვის მიზნით გამოცხადებულ **SPA210002828** ელექტრონულ ტენდერში წარმოდგენილი ტექნიკური დოკუმენტაცია და ფასების ცხრილი (შესყიდვების ერთიან ელექტრონულ სისტემაში მიმწოდებლის მიერ დაფიქსირებული საბოლოო ფასის შესაბამისად).

2. ხელშეკრულების საგანი

2.1. ხელშეკრულების საგანს წარმოადგენს **კომპიუტერული მოწყობილობები და აქსესუარები**, რომელთა რაოდენობა და მახასიათებლები მოცემულია ფასების ცხრილში (დანართი №1), რაც თან ერთვის წინამდებარე ხელშეკრულებას, როგორც მისი განუყოფელი ნაწილი (**CPV:30200000-კომპიუტერული მოწყობილობები და აქსესუარები**)

3. მხარეთა მოვალეობები

3.1. მიმწოდებელი ვალდებულია:

3.1.1. მიმწოდებელი ვალდებულია გადასცეს შემსყიდველს ამ ხელშეკრულების მეორე მუხლში მითითებული ნივთობრივად და უფლებრივად უნაკლო შესყიდვის ობიექტი.

3.1.2. მიმწოდებლის ვალდებულება საქონლის გადაცემაზე ითვლება შესრულებულად შემსყიდველისათვის საქონლის გადაცემის მომენტიდან. საქონლის გადაცემასთან ერთად, მიმწოდებელი ვალდებულია გადასცეს შემსყიდველს ყველა შესაბამისი დოკუმენტი.

3.1.3. თუკი ხელშეკრულების მეორე მუხლით გათვალისწინებულ საქონელს აღმოაჩნდება რაიმე ნაკლი მიმწოდებელი ვალდებულია, შემსყიდველის წერილობითი მოთხოვნის მიღების შემდეგ გონივრულ ვადაში გამოასწოროს ეს ნაკლი ან შეცვალოს საქონელი თავისი ხარჯით.

3.2. მიმწოდებელი უფლებამოსილია:

3.2.1. მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

3.3. შემსყიდველი ვალდებულია:

3.3.1. მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად.

3.3.2. უზრუნველყოს შესყიდვის საგნის მიღება.

3.4. შემსყიდველი უფლებამოსილია:

3.4.1. მოსთხოვოს მიმწოდებელს წინამდებარე ხელშეკრულებით ნაკისრი ვალდებულებების ჯეროვანი შესრულება.

4. ხელშეკრულების ღირებულება

4.1. ხელშეკრულების მეორე მუხლში მითითებული კომპიუტერული მოწყობილობებისა და აქსესუარების ერთეულის ფასი მოცემულია თანდართულ ფასების ცხრილში.

4.2. ხელშეკრულების ჯამური ღირებულება შეადგენს **49 781.00** (ორმოცდაცხრა ათას შვიდას ოთხმოცდაერთი) ლარს დღგ-ს გათვალისწინებით.

4.3. ხელშეკრულების ჯამური ღირებულება მოიცავს მიმწოდებლის მიერ გასაწევ ყველა ხარჯს, მათ შორის კანონმდებლობით გათვალისწინებულ ყველა გადასახადსა და ტრანსპორტირების ხარჯებს.

5. ანგარიშსწორების წესი

5.1. შემსყიდველი იღებს ვალდებულებას, აუნაზღაუროს მიმწოდებელს ხელშეკრულებით განსაზღვრული შესყიდვის ობიექტის ღირებულება მიღება-ჩაბარების აქტის გაფორმებიდან და წინამდებარე ხელშეკრულების 6.4. პუნქტში მითითებული დოკუმენტაციის წარმოდგენიდან 10 (ათი) სამუშაო დღის განმავლობაში.

5.2. ანგარიშსწორების ვალუტა – ლარი.

5.3. გადახდის ფორმა – უნაღდო.

6. შესყიდვის ობიექტის მიწოდების ადგილი, ვადები და მიღება-ჩაბარების წესი

6.1. შესყიდვის საგნის მიწოდებას უზრუნველყოფს „მიმწოდებელი“ მხარე საკუთარი ხარჯებით.

6.2. შესყიდვის საგნის მიწოდების ადგილია: ქ. თბილისი, ქაქუცა ჩოლოყაშვილის გამზ. №3/5

6.3. შესყიდვის საგნის მიწოდების ვადა, ხელშეკრულების გაფორმებიდან არაუგვიანეს **40** კალენდარული დღისა. **(2021 წლის 26 დეკემბერი)**

6.4. საქონლის მოწოდებასთან ერთად მიმწოდებელი ვალდებულია უზრუნველყოს ყველა შესაბამისი დოკუმენტაციის წარდგენა შემსყიდველისათვის (სასაქონლო ზედნადები, საგადასახადო ანგარიშ-ფაქტურა (არსებობის შემთხვევაში))

6.5. შესყიდვის საგანი ჩაითვლება მიღებულად მას შემდეგ, რაც მხარეებს შორის გაფორმდება მიღება-ჩაბარების აქტი. მიღება-ჩაბარების აქტზე ხელმოწერის უფლებამოსილება შემსყიდველის მხრიდან მიენიჭოთ: გრანტის ხელმძღვანელს - **გიორგი მაჩაბელს**, პოლიტოლოგიის ინსტიტუტის დირექტორს - **მალხაზ მაგაბერიძეს** და საინფორმაციო ტექნოლოგიების სამსახურის უფროსს - **გიორგი ქობულაშვილს**.

7. ხელშეკრულების მოქმედების ვადები

7.1. წინამდებარე ხელშეკრულება ძალაში შედის მხარეთა უფლებამოსილი წარმომადგენლების მხრიდან ხელმოწერის დღიდან და მოქმედებს **2022 წლის 31 მარტის ჩათვლით**, გარდა ამ ხელშეკრულების მე-15 მუხლისა, რომლის ვადაც განისაზღვრება ამავე მუხლში მითითებულის შესაბამისად.

8. ხელშეკრულების ინსპექტირება

8.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე.

8.2. ამ მუხლის პირველი პუნქტით გათვალისწინებული კონტროლისა და ზედამხედველობის განხორციელება შემსყიდველის მხრიდან ევალება სსიპ – ილიას სახელმწიფო უნივერსიტეტის შესყიდვების სამსახურის უფროს სპეციალისტს – **მიხეილ გიგიბერიას**.

9. ხელშეკრულების შეწყვეტა

9.1. შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გა-წეული ხარჯების ანაზღაურება ხელშეკრულებით გათვალისწინებული ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში.

9.2. შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისათვის ვალდებულების შესრულების შეუძლებლობის წერილობითი შეტყობინების შემდეგ თუ:

ა) ხელშეკრულებით გათვალისწინებულ ან შემსყიდველის მიერ გაგრძელებულ ვადაში მიმწოდებელს არ შეუძლია საქონლის სრულად ან ნაწილობრივ მიწოდება;

ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) მიმწოდებლის მიმართ დაიწყო გაკოტრების საქმის წარმოება;

ე) საქართველოს კანონმდებლობით გათვალისწინებულ სხვა შემთხვევებში.

9.3. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

10. მხარეთა პასუხისმგებლობა

10.1. მხარეების მიერ ხელშეკრულებით გათვალისწინებული ვალდებულებების შეუსრულებლობა ან არაჯეროვანი შესრულება გამოიწვევს პასუხისმგებლობას საქორთველოს კანონმდებლობის შესაბამისად.

10.2. თუ ხელშეკრულების რომელიმე მხარე დაარღვევს წინამდებარე ხელშეკრულებით გათვალისწინებულ ვალდებულებას, მეორე მხარეს უფლება აქვს მოითხოვოს ხელშეკრულებიდან გასვლა ვალდებულების შესრულებისათვის მის მიერ დამატებით განსაზღვრული ვადის უშედეგოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოყენებულ იქნეს დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

10.3. ხელშეკრულებიდან გასვლისას მხარეს შეუძლია მოითხოვოს ზიანის ანაზრაულება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

10.4. მიმწოდებლის მხრიდან ხელშეკრულებიდან გასვლისას შემსყიდველი უფლებამოსილია ხელშეკრულებით ნაკისრი ვალდებულების შეუსრულებლობის გამო დააკისროს მიმწოდებელს პირგასამტეხლოს გადახდა ხელშეკრულების ღირებულების 10%-ის ოდენობით.

10.5. რომელიმე მხარის მიერ წინამდებარე ხელშეკრულებით გათვალისწინებული ვალდებულების შეუსრულებლობის ან ვალდებულების შესრულების ვადების დარღვევის შემთხვევაში მეორე მხარე იტოვებს უფლებას მოითხოვოს დამრღვევი მხარისგან, ხოლო ამ შემთხვევაში დამრღვევი მხარე ვალდებულია გადაიხადოს პირგასამტეხლო შეუსრულებელი ვალდებულების 0,02%-ის ოდენობით ყოველ ვადაგადაცილებულ დღეზე.

11. ფორს-მაჟორი

11.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

11.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საქონლის მიწოდებაზე ემბარგოს დაწესება, სახელწიფო გადატრიალება და სხვ.).

11.3. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიხადოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

12. ხელშეკრულების პირობების გადასინჯვის წესი

12.1. ხელშეკრულების პირობების, მათ შორის, ფასების გადასინჯვა შესაძლებელია იმ შემთხვევაში, თუ ის გარემოებები, რომლებიც ხელშეკრულების დადების საფუძველი გახდა, ხელშეკრულების დადების შემდეგ აშკარად შეიცვალა და მხარეები არ დადებდნენ ამ ხელშეკრულებას ან დადებდნენ სხვა შინაარსით, ეს ცვლილებები რომ გაეთვალისწინებინათ.

12.2. ამ ხელშეკრულების 12.1. პუნქტით განსაზღვრულ შემთხვევაში შეიძლება მოთხოვნილ იქნეს ხელშეკრულების მისადაგება შეცვლილი გარემოებებისადმი.

12.3. გარემოებათა შეცვლას უთანაბრდება, როცა წარმოდგენები, რომლებიც ხელშეკრულების საფუ-ძველი გახდა, არასწორი აღმოჩნდა.

12.4. წინამდებარე ხელშეკრულების პირობების შეცვლა არ დაიშვება, თუ ეს გამოიწვევს ხელშეკრულების ფასის გაზრდას ან შემსყიდველისათვის ხელშეკრულების პირობების გაუარესებას, გარდა ამ ხელშეკრულების 12.1. და 12.3. პუნქტებით განსაზღვრული შემთხვევებისა

13. ხელშეკრულებაში ცვლილებებისა და დამატებების შეტანის წესი

13.1. ხელშეკრულებაში ცვლილებებისა და დამატებების შეტანა დასაშვებია მხოლოდ მხარეთა წერილობითი შეთანხმებით.

13.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია ამის შესახებ წერილობით შეატყობინოს მეორე მხარეს.

13.3. ხელშეკრულების პირობების ნებისმიერი ცვლილება და დამატება უნდა გაფორმდეს ახალი ხელშეკრულების სახით მხარეების ან მათ მიერ უფლებამოსილი პირების მიერ, რომელიც ჩაითვლება ხელშეკრულების განუყოფელ ნაწილად.

14. ხელშეკრულების შესრულების შეფერხება

14.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებას, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.

14.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

15. გარანტია

15.1. ამ ხელშეკრულების ფასების ცხრილში (დანართი №1) მოცემული პროდუქცია უზრუნველყოფილია მიმწოდებლის გარანტიით, რომლის ვადა განისაზღვრება 1 (ერთი) წლით, მხარეებს შორის მიღება-ჩაბარების აქტის გაფორმებიდან.

15.2. ექსპლუატაციის ნორმების დაცვის შემთხვევაში საგარანტიო პერიოდში საქონლის მწყობრიდან გამოსვლისას შემსყიდველი აცნობებს ხარვეზის აღმოფხვრის საჭიროების შესახებ მიმწოდებელს. ხარვეზის აღმოფხვრა (შეკეთება, შეკეთების შეუძლებლობის შემთხვევაში – შეცვლა) უნდა მოხდეს 20 (ოცი) სამუშაო დღის განმავლობაში.

16. დავების გადაჭრის წესი

ამ ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს სასამართლო.

17. დასკვნითი დებულებები

17.1. მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად ამ დოკუმენტის თავში მითითებულ დღესა და წელს

17.2. ხელშეკრულება შედგენილია ქართულ ენაზე, რომლის ყოველი ელექტრონული ეგზემპლარი ორიგინალია (დამოწმებული კვალიფიციური ელექტრონული ხელმოწერით ან კვალიფიციური ელექტრონული შტამპით.)

მხარეთა რეკვიზიტები:

შემსყიდველი:

სსიპ – ილიას სახელმწიფო უნივერსიტეტი

მიმწოდებელი:

შპს "ჯეო ტეჩი"

ეკატერინე გაფრინდაშვილი

ადმინისტრაციის ხელმძღვანელის
მოვალეობის შემსრულებელი

შალვა ასლამაზაშვილი

დირექტორი

ფასების ცხრილი

№	საქონლის დასახელება, მოდელი	ტექნიკური მახასიათებლები	მწარმოებელი კომპანია	განზ.	რაოდენობა	ერთეულის ფასი (ლარი)	საერთო ღირებულება (ლარი)
1	მაგიდის კომპიუტერი-მოდელი: Geotech i9-11900 პროცესორი: Intel Core i9-11900. ქულერი: Deepcool GAMMAXX GTE V2. დედაპლატა: Asus TUF GAMING Z590-PLUS WIFI. ოპერატიული მეხსიერება: Tforce VULCAN Z, TLZRD416G3200HC16F 01 (2 ცალი) მყარი დისკი SSD: Intel SSD 660p Series. (SSDPEKNW512G8).ვი დეო ბარათი: Palit GeForce RTX 3060 Dual NE63060019K9- 190AD. კვების ბლოკი: Apevia ATXPR1000W ქეისი: Zalman T8. მონიტორი: Philips 271V8L/01 კლავიატურა: Adesso AKB- 131HB მაუსი: Crown CMXG-116	პროცესორი: ბირთვების რაოდენობა: 8.წაკადების რაოდენობა: 16. პროცესორის ბაზური სიხშირე: 2.5 Ghz.ტურბო სიხშირე: 5.2 Ghz.ქმ მეხსიერება: 16 MB. ენერგომოხმარება: 65 W. პროცესორის გამაგრილებელი ქულერი. ქულერის ზომა: 120 x 120 x 25 მმ. გამაგრილებელი სისტემის საერთო ზომა: 129 x 77 x 157.5 მმ. ქულერის ბრუნვის მაქსიმალური სიჩქარე: 1650 rpm. ჰაერის ნაკადი: 64.5 Cfm. ხმაურის დონე: 27.8 db(A). დედაპლატა. თავსებადია შემოთავაზებულ პროცესორთან.ოპერატიული მეხსიერებისთვის განკუთვნილი სლოტების რაოდენობა: 4. თავსებადი ოპერატიული მეხსიერების სიხშირე: 3200/2933/2800/2666/2400/2133. გაფართოების სლოტები: 1 x PCIe 4.0/3.0 x16 slot, 1 x PCIe 3.0 x16 slot, 2 x PCIe 3.0 x1 slots. დედაპლატას გააჩნია 6 SATA 6GB/s პორტი და 3 m.2. სოკეტი. უკაბელო კომუნიკაცია: Wi-Fi 6 (802.11 a/b/g/n/ac/ax) და Bluetooth v5.2. პორტები უკანა პანელზე: 6 x USB Type A, 1 x USB Type C. HDMI, Displayport, 5x Audio, 1x S/PDIF. ოპერატიული მეხსიერება- მეხსიერების ტიპი და მოცულობა: DDR4 32GB. მეხსიერების სიხშირე: 3200 Mhz. გაგრილების ტიპი: რადიატორი. მყარი დისკი SSD. ფორმ ფაქტორი: M.2 2280. მეხსიერების მოცულობა: 512 GB. ინფორმაციის თანმიმდევრული წაკითხვა/ჩაწერის სიჩქარე: 1500/1000 Mb/s. საოპერაციო ვიბრაცია: 2.17 GRMS. MTBF: 1.6 მილიონი საათი. ვიდეო ბარათი- ინტერფეისი: PCI-E 4.0. CUDA ბირთვების რაოდენობა: 3584. პროცესორის Boost სიხშირე: 1777 Mhz. მეხსიერების ტიპი და მოცულობა: GDDR6 12GB. მეხსიერების სიხშირე: 15 Gbps. მეხსიერების ინტერფეისი: 192 bit. პორტები: 1 ცალი HDMI, 3 ცალი Displayport. კვების ბლოკი - გამომავალი სიმძლავრე: 1000W. PCI-E 6+2 კონექტორების რაოდენობა: 2. სისტემური ბლოკი აწყობილია შესაბამისი ზომის ქეისში. მონიტორი-დიაგონალის ზომა: 27 ინჩი. უკანა განათების ტიპი: W-LED .ეკრანის ზედაპირის ტიპი: Anti-Glare. მაქსიმალური რეზოლუცია: 1920 x 1080 სიხშირე: 75 Hz. განახლების დრო: 4 ms. სიკაშკაშე: 250 cd/M2. კონტრასტი: 3000:1. ხედვის კუთხე: 178° (H)/178° (V). პორტები: VGA, HDMI. კლავიატურა ინტერფეისი: USB. კაბელის სიგრძე: 1.8 მ. კლავიატურის ტიპი: მულტიმედიური. მულტიმედიური ღილაკების რაოდენობა: 7. კლავიატურას კორპუსზე გააჩნია 2 პორტიანი USB hub. მაუსი სენსორის ტიპი: ოპტიკური . ღილაკების რაოდენობა:5 + Scroll ღილაკი. მაქსიმალური რეზოლუცია: 2400 DPI. კაბელის სიგრძე: 1.8 მ. მაუსის წონა: 105 გრ.	Intel Corporation Deepcool Industries Co., Ltd. ASUSTek Computer Inc Teamgroup inc. Intel Corporation. Palit Microsystems, Ltd. Apevia Corp. Zalman Tech Co. MMD - Monitors & Displays Nederland B. V. Adesso Inc. Crownmicro inc.	ცალი	6	7 960	47 760.00
2	ლეპტოპის ბატარეა -	ქიმიური შემადგენლობა: Li-ion . მოცულობა: 71 wh.	ASUSTek	ცალი	3	356	1 068.00

	Asus C42N1728	თავსებადა Asus Zenbook Pro 15 UX580G ლეპტოპთან.	Computer Inc				
3	გარე მყარი დისკი - Intenso 2,5" Memory Case. (Article number 6021580)	ინტერფეისი: USB 3.0. მეხსიერების მოცულობა: 2 TB. არ საჭიროებს დამატებით კვებას.	Intenso International GmbH.	ცალი	2	242	484.00
4	გარე მყარი დისკი - Intenso 2,5" Memory Case. (Article number 6021560)	ინტერფეისი: USB 3.0. მეხსიერების მოცულობა: 1 TB. არ საჭიროებს დამატებით კვებას.	Intenso International GmbH.	ცალი	2	157	314.00
5	ფლეშ მეხსიერება Apacer AH356 64GB USB3.1 (AP64GAH356B-1)	ინტერფეისი: USB 3.1. მეხსიერების მოცულობა: 64 GB.	Apacer Technology Inc	ცალი	5	31	155.00
სულ ღირებულება (ლარში):							49 781.00

შენიშვნა:

1-ლი პოზიციით გათვალისწინებული საქონლის დაფინანსების წყაროა - უნივერსიტეტის 2021 წლის ეკონომიკური საქმიანობიდან მიღებული შემოსავლები.

მე-2 პოზიციით გათვალისწინებული საქონლის დაფინანსების წყაროა - „შოთა რუსთაველის საქართველოს ეროვნული სამეცნიერო ფონდის მიერ დაფინანსებული პროექტი №FR18_564.

მე-3-დან მე-5 პოზიციის ჩათვლით გათვალისწინებული საქონლის დაფინანსების წყაროა - 2021 წლის სახელმწიფო ასიგნებებიდან მიღებული შემოსავლები.

შემსყიდველი:

სსიპ – ილიას სახელმწიფო უნივერსიტეტი

მიმწოდებელი:

შპს "ჯეო ტეჩი"

ეკატერინე გაფრინდაშვილი
ადმინისტრაციის ხელმძღვანელის
მოვალეობის შემსრულებელი

შალვა ასლამაზაშვილი
დირექტორი